

立杜賣盡根契字人杜養灣仔庄陳助，有承先父明買過張家水田壹段，址在西尾堀埤仔脚，東至坑，西至清江田，南至大溝，北至坑，四至明白爲界，併帶圳水灌溉充足。又承先父明買過陳鴻振等水田壹段，址在后埔庄外西南勢坑仔邊內，帶竹木、菓子在内。其界址：東至坑帶中灘樣仔，菓子亦在内，西至張家田，南至張家田，北至坑，四至界址明白。配埤仔水份灌溉充足，配納課租帶在下段，難以分折。今因乏銀費用，愿將此式段水田出賣，先盡問房親人等俱不欲承受，外托中引就與后埔庄張阿獅官出首承買，當日三面議定時值賣價銀壹佰拾壹員，平重柒拾柒兩柒錢正。其銀即日全中見交收足訖，其式段水田隨即踏明界址，交付與銀主前去掌管，起耕招佃，收租納課，永爲己業。保此田係助承先父明買之業，與房親人等無干，亦無重張典掛他人財物以及上手來歷交加不明等情。如有此情，賣主抵當，不干買主之事。自此一賣千休，日後助及子孫永不敢言及贖找滋事。此係二比甘愿，各無抑勒反悔。口恐無憑，立杜賣盡根契字壹紙，併帶上手契叁紙，鬮書壹紙，丈單壹紙，合共陸紙，付執永遠爲炤。

即日全中見交收過盡根契內銀壹佰拾壹員，平重柒拾柒兩柒錢正完足。再炤。

代筆人張君彥 (花押)

爲中人陳容 (花押)

知見人妻施氏 (花押)

內改拾壹柒四字批炤

明治卅一戊戌年十月

日立杜賣盡根契字人陳助 (花押)